



# **Geschichte der geistlichen Stiftungen, der adlichen Familien, so wie der Städte und Burgen der Mark Brandenburg**

[Urkunden-Sammlung für die Orts- und spezielle Landesgeschichte]

**Riedel, Adolph Friedrich**

**Berlin, 1861**

CXCV. Markgraf Johann bittet den Dr. Mertschen nochmals, ihm den Rath des Kurfürsten von Sachsen und des Landgrafen von Hessen über das Verfahren zu verschaffen, das er gegen den Bischof von Lebus ...

---

---

**Nutzungsbedingungen**

[urn:nbn:de:hbz:466:1-55508](https://nbn-resolving.org/urn:nbn:de:hbz:466:1-55508)

CXCV. Markgraf Johann bittet den Dr. Metzchen nochmals, ihm den Rath des Kurfürsten von Sachsen und des Landgrafen von Hessen über das Verfahren zu verschaffen, das er gegen den Bischof von Lubus und andere Prälaten zu beobachten, am 8. April 1539.

Von gots gnaden Johans, Marggraf zu Brandenburg etc. Vnsern gunstlichen grus zuuorn. Es haben die hochgebornen fursten, her Johan friederich, Hertzogk zu Sachsen — vnd her Philips, landtgraf zu Hessen —, vnser fruntlichen lieben her Oheimen vnd Schwager, auf ansuchen so von vnsern wegen durch euch an jre liebden geschehen, der sachen halben in vnserm jungsten an euch gethan schreiben angezeigt, an vns geschriben vnd jrer liebden bedencken fruntlich mitgetaillet, wie jr aus eingeleger Copey irer liebden briefs vernehmen werdet. Vnd so dann gedachten vnser fruntliche Lieben her Oheimen vnd Schwager vnter anderem vermelden, Souil des Bischofs zu Lubus vnd Capittels zu Furstenwalde dorffer vnd gutter in vnserm landt zu Sternbergk belegen, welche vns auch ane mittel mit steuer vnd volge verwant sein, antrifft, konten vns ire liebden vor vbersehung des veterlichen vertrags, welcher zwischen vnserm fruntlichen lieben hern vnd Brudern, dem Churfursten zu Brandenburg vnd vns aufgericht ist, nicht genugsam, inmassen ire liebden in dem shall zu thun woll geneigt weren, rathen etc. Demnach vberschicken wir euch hiebeigefugt ein Abschrift des veterlichen vortrags vnd ist an Euch vnser gunstlich beger, ir wetlet den Artickell die voneynanderfetzunge belangende aufs sollichem vertrage (so irs vor gut vnd bequem erachtet) zziehen vnd schreiben lassen vnd denselbigen gemelten vnserm fruntlichen lieben her Oheimen vnd Schwegern — zuuorlesen furbringen, darneben auch ire liebden von vnsern wegen nochmaln aufs vleissigste vnd fruntlichste Bitten, ire liebden wollen vns desfals, wie wir iunglt an euch geschriben, des Bischofs zu Lubus vnd Capittels zu Furstenwalde dorffer halben, Die in vnserm Lande zu Sternbergk one mittel vber der Ader belegen vnd vns mit Steuer vnd volge zugethan sein, irer liebden Rath vnd bedencken fruntlich mitteilen. Das wollen wir hinwiderumb ire liebden alzeit willigh vnd fruntlich verdingen. Ob ir aber vor gut anfehlet iren liebden die Copey des gantzen veterlichen vertrags zu furderung der sachen zuuerlesen zu lassen, Das stellen wir Euch auch zu bewegen, Dan wir weren bedacht gewesen die visitacion in vnserm landt zu Sternbergk nach criftlichen vnd gotlichem Wurt, gemehls ordenungen, fur nehmen zu lassen, Aber wir haben solchs in betrachtunge das noch zur Zzeit von wegen der vrsachen, wie wir euch hievor in vnserm schreiben angezeigt, mher Vnrichtikeit dan Richtikeit darauß entstehen mochte, in ruhe gestadt. Wan vns aber angezeigter Rath vnd bedencken einkommen wirdt, Alsdan wollen wir hierinne geburliche verordnunge thun. Derhalben werdet ir sollich sache aufs fuglichste, als es ymmer gescheen kan, zu befurdern vnd zu sollicitiren auch vns antuort zuzufertigen wissen. Wir begeren auch, ir wollet vns Neue Zeittungen, die itzo des orts vorhanden sein, bey diesen Poten schrieftlich verstendigen vnd Euch allenthalben hieran gar willigg ertzeigen. Das wollen wir mit gunstlichen vnd gnedigen willen wider umb euch erkennen. Datum auf vnserm Schlos zu Cuftrin, am dinstage in heiligen Osterfeiertagen, Anno etc. XXXIX.

An Chonraten Metzchen doctor etc.

Nach dem Concept.